



Inatsisartuni ilaasortaq Harald Bianco, Inuit Ataqtigiit
/Maani

**Taliisami umiarsualivik pillugu § 37 naapertorlugu apeqquteqaammut 2022-129-
mut akissut**

Asasara Harald Bianco

Inatsisartut suleriaasianni § 37 naapertorlugu Tasiilami umiarsualivik pillugu Naalakkersuisunut apeqquteqaateqarputit. Apeqqutit uannit akineqartussatut innersuunneqarpoq. Apeqqutit matuma kinguliani allanneqarpoq, akissummillu malitseqarluni.

06-07-2022
Sullap normua::2022-
13831
ID. nr. 77650446

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Naalakkersuisut Tasiilami umiarsualivimmi alliliissamaarpat?

Akissut: Siullermik innersuussutigissavara Umiarsualivinnut Pilersaarut 2017-2027-imoortoq Inatsisartunut tamanut aggiaanneqarsimasoq. Tassani Tasiilap Umiarsualiviata allineqarnissaanik pisariaqartitsineq tulleriaarinermut allattuiffimmi 1-imi ima allassimavoq:

"Tasiilamut takornariat tikittartut suli amerliartorput, aammalu suli inuttussiartorluni. Inuttussiartornerata kingunerisaanik illoqarfimmut nassiussat tikittartut suli amerliartorput, tassanilu containerinut inissiiviit killeqarput tattorliuuteqalereerlunilu. Nunaminertap containerinut atorneqartup qanitaani qaarsup qaartiterneratigut inissiiffiup annertusineqarnissaa inassutigineqarpoq. Tamatuma saniatigut Imarpik ikaarlugu umiarsuarnut talittarfiup itinerusunngorlugu suliarineqarnissaa inassutigineqarpoq, taamaalilluni assersuutigalugu Royal Arctic Line-p angallatai aamma umiarsuit sinersorlutik takornariatitsisartut talissinnaalissammata."

Tasiilami umiarsualivimmi alliliinissaq pisariaqaraluartoq maannakkorpiaq pilersaarummi inassutigineqartutut alliliinissamut aningaasanut inatsimmi aningaasanik immikkoortitsisoqarsimanngilaq. Taamaattumik nunatsinni umiarsualivinni arlalinni alliliinissamut pisariaqartitsinerit annertummata, ataqtigiissaarlugillu tulleriaarneqarnissaat pisariaqarpoq minnerunngitsumillu aningaasat pisariaqartinneqartut Inatsisartut aningaasanut inatsisaatigoorlugu immikkoortinneqaqqaartariaqarlutik. Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga


Erik Jensen